


韻
譚



韻譚卷之三

和龕巳未至辛酉

天門至 漉伯初父著集

古吳熊秉鑑元明父訂閱

吳興徐儀世虞倩父同次

華陽敬一殿下文章行業爲江漢諸王領
袖珣奉命按黔道經澧水而匆匆命轡
竟阻樞衣口占二絕奉呈以志嚮往

子晉仙標子建文賢王風譽滿江濱咲予役
役輶車客空向蘭江望紫雲

簡書無奈促行旌暮雨秋江客裡程北渚渺
然思帝子澧蘭沅芷最關情

松陵沈珣

畚沈宏所直指

幾年清韻慕休文此日乘驄繡水濱忽放瑤華
臨小圃晚來霽色散寒雲

桂發秋山擁旆旌行行遙指印江程采蘭愧我
瀟疎處喜附詩筒達素情

敬一殿下桂花之贈口占爲謝

車騎言過帝子鄉小山業桂正秋芳馬頭分
得一枝去好取清芬滿夜郎

沈珣

上華陽殿下郢正

喜游金谷裡花事玉爲姿雲起穿松葉香生
度桂枝馬嘶芳逕內歌滿曲池溜更有藏幽
處煙深洞轉奇

後學楊文驄

喜楊山子見過

前記
卷之三
細雨凝寒漸欲霜小園嗅桂漫停觴初逢國器
人來遠更得函書思轉長誰問邊塵何日淨我
知天步有人匡從今兩世聯交契時綴心旌向
夜郎

書別敬一賢殿下

玉女峰頭有洞天雲中鷄犬盡成仙却餘白
李還持贈令我三千如小年

太清靄靄湧芙蓉朱邸彤雲一望重讀盡靈
文千伯卷華州道士忽相逢

朱國盛

彭翀之司理過訪卽席賦謝

傾蓋逢君春已榮况傳燈火樂昇平懸知行李
來和氣爲喜清光動暮晴綦履小山隨處色咲
談濁酒坐中清鼎城只尺詩筒便蘭芷從今締
好盟

華陽殿下招飲賦謝

錦江仙派衍蘭江麟趾承封慶澤昌七步詞
壇誇倚馬五車學海羨汪洋樽開子夜君恩

重話引春風客座長樂事更饒燈月好
何幸被餘光

彭萬里

久別函三園有懷昔遊書似敬一賢殿下
望遙日觀色朦朧洞岳高凌度曉風帝子吹
簫能引鳳東人翹首送歸鴻幾從吳下尋三
徑欲向淮南訪八公此去何方堪問路酒香
亭畔有龍宮
清籟連城薜荔幽曲房涼榭隱泉丘天邊氣

色臨三島人世河山勝十洲座客到來頻罰
酒君王樂此自忘憂 聖朝正擬中興頌關
塞狼煙莫浪愁

黎陽王在晉

大中丞岵雲王老師拊循東省奉東四首
方岳勲名世所尊 九重今拜大中丞法星高
擁入齊出惠露先敷地鏡澄文武憲邦瞻節制
樞衡虛席見騫騰衮衣喜洽東人覲表海雄風
重可憑

音記
卷之三
東省由來鉅鎮名神都南北倚長城山胎衆岳
因尊岱水別凡流固稱瀛繡斧丕承惟帝念
形騶顛望見人情慙余未遂羊公借搔首扶桑
思轉縈

曾傳衡岳綵題新金簡函藏應得真詞賦久推
光日月甲兵今借淨烟塵狡夷遼左休窺我盛
世汾陽已得人快覩功成寧禹下名山授記有
先因

茹濱判袂十年餘劍合爲期想不虛迢遞每勞
天目信殷勤纔致豫章書江蘭紉馥懷詩辨海
月流光到竹居向說東征車馬動夢魂早已度
青徐

時當遼事孔棘遠辱華陽敬一殿下授簡
贈詩賦此志感致謝

三韓未靖急防夷一嘯風塵髮已絲情事欲
隨黃鶴去夢魂猶憶澧蘭時衡南孤鴈頻傳
信佩浦雙魚忽贈詩深感君王勞寤寐夕陽
天外草離離

王在晉

承敬翁殿下詩筵之惠步韻奉謝
坐來長夏日如年。忽剖雙魚尺素懸。樂善風
凌霄漢外。著書心逐水雲邊。盍簪已懌虛筵
願授簡仍期擁篲緣。燕樹吳山勞悵望。相思
但互寄詩篇。

步韻上謝敬翁老殿下見懷之作

五雲深處出如綸。駿命恭銜紫禁春。月暎
輪持漢節時逢九日作。王賓獻酬不憚觴。傳

處交際便蕃禮數頻。悵別瓜期瞻北闕。業
將芳軌奏丹宸。

于緯

春初贈華陽殿下

繡水滌迴天漢遐。千年璫樹暎蘭華。典墳夜
檢室篝火風月行。吟筆吐花樽酒欲空緣好
客。鱸堂勤對爲儀家。晴光渾是梁園曉樂意
同春興未涯。

大梁趙行志

庚申元日有懷趙鵬南使君適得贈詩用韻賦寄

搔首東南騁望遐况逢歲改見年華頌椒未共
巴陵酒列炬俄驚李署花筒裏新詩傳大曆握
中元化布天家條風應自君山度何日行春繡
水涯

先是聞趙鵬南南遊有懷盍簪不果茲得詠洞庭二詩步韻寄謝

衡岳歸來興若何湖南湘野共澄波春偏處處

甘棠芾地暎離離回鴈多雲幕古碑探禹字星
沙石鼓續韓歌慙余空載侯芭酒欲問無從顏
自醜

人日懷人奈遠何江頭雙鯉忽相過函雲錦字
千尋色颺日晴颺萬頃波廊廟江湖籌畫重酒
杯詩卷賦情多金城圖就須史事清獻家轂自
不磨

奉贈華陽殿下

華陽帝子天人姿濯濯神情照等夷樂善東

平豈復遜傳經中壘堪能追荆山一片璠璵
器溟海千尺珊瑚枝何當致汝獻清廟百年
會見中興期

楊汝和

和楊泰和別駕

冰是清操玉是姿天門旗鼓控華夷龔黃爲政
雄相視元白能詩壓莫追荒徑待看經雨竹藥
欄留有殿春枝一緘且乞新鐫帙擊節寧慙鍾
子期

刻古今將鑑就正編二書成用俚言齋上
敬一殿下覽政

據梧鼓篋已多年入籍當官尚懵然觸處支
離慚一得閒來檢點著雙篇豈能文武爲經
緯聊寄編摩當韋弦况昔購書今未獲此書
權以奉拋軌向乞世雅之刻未來賦此併促

馮勞謙

秒春承馮抑庵憲副以古今將鑑就正編
二刻見惠兼寄佳什步韻致謝先是取世

雅一書尚未奉報茲來教有拋輓句故未
及之

春色蹉跎又一年懷人每自感蛩然偶從傳舍
來新句更啟名山得大篇先後武功明作鑑春
秋筆法勁如弦家藏世雅慙燕石緩寄煩君引
玉輓

敬一殿下詩贈將鑑就正二書且貽世雅
種種諸佳刻拋輓之願已酬矣顧耽奇一
念猶有得隴之思因餽書用原韻寄謝且

預定芝蘭之約鄂渚燈前命觴走筆客之
枯腸祗博騷壇一捧腹耳

天岳仙踪已有年澧陽道氣亦如然地鍾靈
異生賢喆人毓菁華吐玉篇笑我寡聞魚失
水羨君多識箭離弦從今願結芝蘭契未審
還容拋一輓

馮勞謙

王迴溪大叅以提兵按澧見枉小園卽席
賦謝

十載循聲江漢初崢嶸憲節控荆舒瑶林自啟
龍門峻武庫爭窺豹管餘喜迓旌旄開細柳相
過風雨摘新蔬笑譚自是胡沙淨飲至還期詠
出車

華陽敬一殿下招飲俚言賦謝

帝胄開藩澧水濱偶從王事得相隨千鍾賜
祿輸邊計萬卷遺書作世基灌木縈迴春雨
後方舟蕩漾午晴時謳歌此地傳今古蘭蕙
森森福履綏

王世德

史夢斗憲副移鎮蘭江犒賚援遼諸卒枉

賈山齋東謝

玉界冰壺擁令名九重倚毗儼長城峴山重
勒羊公石鼎水新觀范老兵淨虜功勛襄北伐
格苗威化紀南征昨來幸款山齋話樽俎猶瞻
濟世情

庚申清和之望余督兵如澧華陽敬一殿
下招飲園亭盤桓竟夕情洽意款從未學

詩勉步芳韻併以申謝
芙蓉鄴下擅才名
野築真當佳麗城
錦櫬牙檣頻載酒
北園東閣一談兵
好文肯付凌雲筆
憂國常懷戴月征
賦就陽春慙屬和
鄒枚授簡不勝情

史高先

渠陽鄒將軍北征過澧小詩爲贈

遼海徵兵羽檄繁
將軍征旆過天門
輕裘爲訪知侯骨
雄劍常鳴報主恩
最是能文推鄒穀

敢煩撲滿贈公孫
行行應取黃金印
可記薰風話小園

華陽殿下召飲出二華翁施觀察倡酬佳什見示歸次韻錄政

千章逗轉一泓深
幾度臨風愜賞心
剪葉古來藩帝室
塞帷到處洒商霖
晴曛花映亭臺色
珠玉詩成鼎呂音
河朔勝遊寒六月
碧筒池畔可頻斟

雉城斗擁列星廬
此日祥氛集繡裾
薇省暉

揚螢渚照玳筵珍錯兔園蔬香飄蘭坂沾衣
佩歌煖松臺薄紫虛羨爾雙龍神自合尊前
授簡况何如

林奇櫟

林九畹大夫覲還見訪適憶明發乃其初
度卽席賦以侑卮

露冕來南楚蟠桃又度春昨爲輦轂侍今聚芷
蘭濱燈火留元夕樓臺望北辰更聳謳頌者海
岳再生申

題蘭臯別思冊送林九畹還溫陵

海國人龍舊有聲來爲霖雨霈江城太浮山麓
添藜藿茹繡洲邊長杜蘅萬姓盡懷儀子政
九重猶重次公名何緣陟屺東歸亟愁向河梁
劇別情

林九畹瀕行見惠扇草乃和施觀察與余
倡酬韻雖非叙別而晉艸唐音出入懷袖
覺清風灑灑益令人繫戀不已卽韻再成
用志繾綣

五馬三年惠愛深交情循政摠真心芝蘭香迥
常邀月禾黍春濃幾沛霖郢調如君稱具美鍾
琴愧我附知音匆匆一別因慈訃情劇河橋酒
莫斟

嘉平旣望韓似松過訪小齋卽席口占

憑君瀟洒興過我寂寥居把酒慙浮臘登盤祇
薦蔬春聲林外動冬日墅邊舒山斗當時望何
緣咫尺餘

巳未元日試筆柬韓似松

時齋居辭客

入春有雨便爲酥况值元辰五漏孚草木向榮
知浥潤兒童得歲盡懽呼昇平更有循良政澹
薄堪憐懶癖夫停午條風開霽色豐登消息已
潛符

送童復我郡倅赴姑熟叅軍

才名蚤歲冠新都宏偉山川錦繡圖筮仕南州
稱別駕籌分江縣著飛鳧清言偏愜芝蘭契美
政真宜父母呼此日銜恩又東發月明相憶滿
江湖

山容乍斂見秋旻幾點賓鴻遠
喚群擬對籬花成雅集
忽看堤柳欲言分乘時書記
籌邊略列宿星躔自斗文姑
熟舊來根本地看君幾歲起
叅軍

上華陽殿下二首

屏翰翩翩出紫氛漢家龍種自超群
桐珪剪處垂千葉輅帛頒來燦五雲
蓂揆天庭占綵筆枕藏鴻寶悉雄文
穆生醴酒時常設我欲頻過醉夕曛

樂善堂開御墨通澧蘭茅土自蠶叢
本支念切鴻名久肺腑情偕聖壽隆
繡虎聲華堪表世霜蹄步驟詎凌空
老狂愧是鄒枚侶幾欲呼風看日紅

朗溪後學陳已聞

讀陳心字親丈佳什知有池蓮並蒂之瑞

題寄

同是分根玉井花清池何獨得
瓊葩瑤枝此日嬌添色玉質當年
絕點瑕遙指赤城霞疊出蚤

露仙掌露偏嘉禎祥定不虛靈應金紫蟬聯屬
世家公姓王扶蘇青成可圖影髮頭發此日
愛蓮亭裡蚤披涼錦字飛傳並蒂祥綽約影搖
似共語婢娟淨對各含香昭陽姊妹寧生妬画
閣姬姜蚤讓粧甚欲一看看未得水雲題寄思
偏長判眉家日除
名池兩度並頭花瑞氣鍾靈寄此葩昔結素心
無着相今杼赤色豈沾瑕文鴛對宿真相似彩
鳳同儀自可嘉我最相憐思一翫幾回清夢太

丘家

清風穆若夏生涼報我朱華並蒂祥淨植同羸
君子號依稀馮捧省郎香應陳甲第相聯兆早
作雲霞別樣粧圖畫丹青歸妙手寧湏巴唱卜
靈長

壽趙鵬南司理

岳樓遙望氣扶輿况是長絲表瑞餘喜報甫申
逢誕節正看弧矢又懸居君山霽敞千尋上湘
浦風生七澤初放鴿未能思作頌也應太室蚤

傳書

沈宏所侍御代巡貴竹已未八月過澧曾
留詩見貽越久未便寄聲茲巡方已竣會
將還朝不勝想念因爲三絕付之驛使

青驄南指五溪秋桂滿園林愜倡訓此日法星
何處望太微照徹印江頭

投我新詩契若蘭相思無奈幾迴看光如照乘
驪珠顆帶得霜稜八月寒

二酉迤南揔大荒登車巡攬輿何長嵐烟已淨

皇風鬯何日揚旌繡水傍

題兩廟維馨冊爲曹薇垣廷評先君也

仕國鄉邦俎豆崇恒嵩相望鬱巖嶽千秋畏壘
風聲在萬口南陽月旦同更是絲綸馳表節因
知天地揔全公卽今門戶隨高大世德芬芳自
始終

華陽敬翁殿下澤於書爛於菽游神于折
節河間東平可方休媿衡脚命身濱塗
經澧水辱詞令之先施兼名編之雅惠而

嚴程溽暑竟阻樞趨殿下不加督過寄題
先冊輿中次韻奉詠以抒衷耿

朱邸青藜望自崇岷嶓瀉玉擅龍嵒袞華頓
起幽芳色蘭芷還聯臭味同簡授梁園應愧
我奇搜鄴架幾如公燕貽鴻藻由來遠翰墨
河山共始終

宛唐曹文衡

敬翁殿下見遺函三園紀私心不勝嚮往
賦此奉荅

天潢世派本西川封錫桐珪澧水邊敬一芳
嚴元不俗函三勝槩自巋然青雲壯志低金
谷紫闥高標邁謫仙歷歷園名堪眺望那能
縮地共聯翩

敬翁殿下見遺韻譚賦此寄畬

當世賢王有華陽分藩澧水德綿長交游殆
半迎朱履詩句偏多萃錦囊閣啟青藜光太
乙書綜鴻寶得仙方韻譚讀罷真難和珍重
惟當什襲藏

汶川主人宣驩

小詩二律似兄王敬翁殿下吟壇一粲
楚蜀遙連萬里雲剪桐遺事主恩深荆花辜
負庭前賞池艸徒從夢裡生錦水迴瀾分繡
派峨嵋山月吐蘭濱孔懷歲歲勞相問繾綣
其如兩地情

漢東帝子舊家聲玉潤金輝涕令名結構改
觀恣眺望探奇携酒漫披襟筆花錦簇官袍
麗書帙香從畹蕙分幾度遙瞻無限思暮雲

春樹總關情

宗弟萬舍

啟謝華陽國君

楚水雙魚到錦官媿將巴里附騷壇飛來郢
雪風清座歌罷明珠月並看詞賦湘靈元大
雅鄒枚梁苑好追懽第今 聖主勞東顧封
諫知君陋建安

蜀諭母習吉

從華陽君索紅桂三數枝

音詞
卷之三
連夜秋風澧浦寒，華陽叢桂粟生丹。老夫空
館清如洗，爲報折來對酒看。

楊汝和

畚楊泰和索桂

一夜甘霖秋乍寒，小山清掬桂搖丹。知君金粟
如來後，花滿香浮邀共看。

華陽國君貽新桂賦謝

何處風來露氣涼，王門折送九秋香。涪陽老
吏狂欲舞，咲把金粟索酒嘗。

楊汝和

楊泰和中秋月夜三夕歌見示因賦畚

今夕昨夕夜何其，碧天明月兩相宜。纖塵不動
萬籟靜，馥郁祇覺天香吹。吹向涪陽香已徧，坐
中有人情不倦。冰壺境勝武昌樓，霓裳曲度清
虛殿。十四十五政放歌，團圓相對意如何。長嘯
秋風天地肅，金莖玉液注叵羅。叵羅玉液他無
有，郗林幾枝是仙友。相看相悵贈花人，裁詩妙
發修月手。愧我無聊負此宵，據梧徒望旻天高。

不知今夕是何夕惟把瑤篇破寂寥絡繹瑤篇
光滿紙私心切切勞仰止思將花月咲同看無
奈愁病難倒屣賡酬且自搜枯腸咫尺神交義
已長君不見同聲相應朱絃古詩筒儘可托肺
腑

庚申八月既望丙夜待漏對月有感疇昔

賦柬楊泰和

此日嵩呼三十年君恩浩蕩寸心懸層臺待
漏懽通曙滿座賡歌興復聯每到桂香知禹會

常從月彩卜堯天更當致祝情何極萬國還瞻
北斗邊

壽華陽老殿下千秋

南極秋高合殿開銀潢一派爛昭回青鸞舞
簇黃花色紫氣光隨白鴈來首亥增年新寶
籙由庚紀字列丹臺仙眠洲上蓬萊客咲把
金莖醉壽盃

楊汝和

秋日寄楊泰和桂旋承佳什種種厚貺壽

余荅謝

采采花盈筐，纍纍粟擬金。清香何所似，將以贈知音。
知音知音高，况邁尋常手。把仙英，索酒嘗對月。放歌興不淺，應知曲度比。霓裳愛花情，不已直作桃和李。報我以瑤瑤，殷勤致題旨。錦軸牙籤篇，復雄憐我初度重。桑蓬堪嗟虛度三十八，何幸此際逢明公。公情良可挹，我愧熒熒立無聞。負歲華有面轉羞澁，世忝維藩澧水濱。素飡無補一宗臣，公如致我在清廟。公詩有何當致器汝在清廟句

非瑚璉當席，珍祲呼瓦缶。咏無爲巍巍九陞衣，裳垂太平衍樂將。大脯公先贈我，金屈卮更令杖頭堪買酒。虹吸鯨吞三百斗，兼之奇果出遐方。似公之情誰能偶，滄溟非深雲非高。報之無以心爲勞，同城而居人室邇。意氣相許殊陶陶，惟有詩筒與長嘯。倡酬不倦渾同調，公門政事迥不聞。吾愛吾鼎守宗要，頌公清操如蘭水。頌公循聲登漢史，吾儕應是摠沾庥。蔦蘿松栢今君侯，九谿三載爲霖雨。千里一朝聚涔浦，我將

我意作我歌青青芳桂山之阿
別來新借繡江湄正值三年報最時
雄鎮九谿開巖嶂清澄八百著連漪
懸知推轂先烏府快覩褒章自鳳池
不盡口碑盈道路循良兩漢獨追隨

上華陽國主

山陰典盡棹歸餘悵望龍門意黯如
方歉七年未覲面何當千里更遺書
榮分天祿恩知

重日隔台顏願拂初屈指涼颼農事畢
枯腸笑口對君舒

楊錫

壽楊承軒八十

橘橙香煖小陽天恰喜相逢大耋年
一老渭川應得瑞九人香社更推賢
朱顏不必尋丹駐清節常多枕石眠
遙望金陂似員嶠可能傾學共躡躡

賤誕八十承華陽國君睿製佳卷并厚贖

見壽謹和韻賦謝因依韻
奎章遙下五雲天
羸得恩光照暮年
景逼桑榆甘守拙
材同樗櫟敢稱賢
山中甲子忘初度
老去光陰抱病眠
擲地金聲煩寄響
焚香擊節舞蹁躑

楊錫

壽彭翀之司理

鼎城瑞靄接南衡
試聽崧高詠郡平
難老世知膺永錫
不寃雅自著祥名
湖邊橘綠垂佳實
盤

裏桃紅薦玉瑛
愧我未能申鶴祝
囊萸聊以寄交情

秋日荆郡伯熊紫珍司馬馬北海別駕張
葵垣袁大軒司理徐見輿枉過小園賦謝
秋風一徑薜蘿繁
車馬聯翩枉見存
人遂識荆
忘倒屣興因看竹
載移尊餘炎賴有冰
壺近小
摘慙非饌玉
飡倘是芝蘭憐
氣味不妨重肯命
高軒

秋日謁華陽殿下留飲函三園賦詩見贈

音言
敬步原韻鳴謝不肖曾西三園知長韻
乍入梁園景物繁先朝彝鼎箇中存崇樓掛
日催壺矢曲院回風入酒尊祗爲賢王耽筆
硯敢辭中使授盤飧歸來半醒身何在翠栢
亭邊叵勿軒

古吳熊秉鑑

庚申仲秋廿八日以公謁至禮辱華陽殿
下招飲函三園余幸追隨郡伯熊太翁同
寅張公袁公徐公之後承頒賜詩扇因次

原韻俚言三首奉謝

拂竹秋輝玉葉繁錦墻風靜露花存怪從仙
侶穿丹窟喜傍天潢倒綠尊山疊圖書驚武
庫鼎調沆瀣挹壺飡賢王愛士風流醉不覺
斜陽已在軒

夾道松陰繡地繁朱簾捲翠異香存巫雲繞
殿龍蛇動湘水朝宗華岳尊落帽風前偏判
醉採籬菊下獨盤飧踉蹌攀硯逃丹級知上
重樓第幾軒

芊芊竹影上亭繁暗度幽芳曲塙存北闕拱
辰重桐葉西園捧日耀金尊纖霏香粟丹爲
饌零露芬芝綠可飡寮儕席前分寵遇祥烟
縹緲接青軒

常湖石隱馬明瑞

菊月前廿八日匆匆以公謁至禮承華陽
殿下召宴幸偕三寅丈追陪太翁翌日更
頒詩扇依韻奉和

夢寐名園風景繁到來圖史此中存派分蜀

獻淵源久學探羲皇道義尊芳徑移樽秋漏
色仙臺落帽預傳飡情濃我更聯桑梓寧得
頻過話竹軒

古蜀張士彥

賡華陽殿下佳韻謹成俚言進覽
王家宮殿儘華繁宗器由來是處存好客不
難三吐哺論文何惜再開尊樓藏萬卷牙籤
麗盤出千珍玉露飡興盡歸來還戀戀華陽
洞實有雲軒

蜀戎袁樑

華陽殿下召飲函三園次韻奉荅
辟疆名勝好花繁更羨桐封鼎器存萬丈寒
稍遮古樹一灣秋水泛清尊卷開錦字雲爲
織盤瀉金莖露可飡麟角振振洵有種祥風
縹渺護臨軒

徐廷宗

初三日重赴華陽國主召用馬北海韻賦
謝

載集梁園勝欣逢秋爽時有壺偏逗酒無句
懶題詩逸思烟雲合閒情魚鳥知主人情自
重欲去更遲遲

熊秉鑑

鎮安堂載宴徐寅丈分得遲字韻

鎮安迥爽氣瓊瑤載集時勝遊憐秉燭名酒
快新詩月印寒潭淨風清竹塢知高懷投臭
味歸客夜遲遲

馬明瑞

菊月前二日承賢殿下載召東園席上得
寅丈徐見輿林深待月遲之句依韻并改
俚言倘愛忘其媿而留之或可覆瓿云
籬菊開芳徑東園燕樂時凭欄驚宿鳥邀月
寫新詩連袂權交暱如蘭趣自知殷勤留客
處更漏任遲遲

張士彥

卽席偶有末句諸寅長譜韻成詩余乃賦
詩以次韻請政賢殿下

重九金天豁名園載集時露綴空中盡風敲
竹裏詩勝譚傾客座清况少人知劇醉迷歸
路林深待月遲

徐廷宗

秋日得晤夏六成江陵賦柬

鳴琴兩地譽飛騰三楚循良第一稱隣浦久懷
人咫尺清標今倚玉峻嶒香吹晚桂遊偏得淡
供新蔬興轉增此後相逢誇勝事股肱今又得

江陵

庚申秋日奉壽敬翁殿下

遙睇函三紫氣浮華陽帝子正添籌桂山香
滿風生樹繡水星搖電欲流將賜五麟天上
種先傳千歲殿前甌賦才遠遜凌雲氣自媿
徒依王粲樓

熊秉鑑

奉賀華陽殿下榮壽

紫府雲烟玉洞花銀潢璀璨綉秋霞瓊漿寶
勺分仙掌翠羽明珠護絳紗風嫋鳳笙商雜
徵月臨綺席棗如瓜華封今作華陽祝綏履
凝祥未有涯

張士彥

奉壽華陽殿下

懸弧矢夜耀長庚秋杪偏逢淑景明三壽爲
朋應冒胄千官忭舞侈丹楹嫵修雅擅淇中
德文藻渾欽鄴下名翹首璫宮申華祝金籠
仙鶴不勝情

帝室鴻儀賁澧蘭後星光煜霽雲端邦基喜

引千年曆台背寧需九轉丹天酒暢酣青玉
案冰桃爛映赤瑛盤梁園寄語枚鄒輩好賡
南山侑主歡

彭萬里

庚申季秋廿九郡別駕葉綠野李心虞同
司理趙鵬南見枉敝齋折蔬清話偶驚是
日三九會且值桐魚之雩而雨卽席賦之
甘雨沛秋旻山齋欵上賓盍簪情轉洽傾蓋語
相親菊彩籬邊色棠陰坐底春况逢三九會尤

勝佩萸辰

季秋廿九日同葉綠野李心虞訪華陽殿
下卽設醴清話時雩而得雨恭和來韻
雨色潤高旻相尋繡水賓寓形孰是我投分
自成親慷慨千秋意冲融一掬春把萸九欲
盡來歲憶斯辰

高誼薄秋旻朱扉故有賓眉緣憂國蹙情以
論文親雨動王孫色軒藏隱逸春樓頭憑眺
賞儼是登高辰

山色低秋旻迴環主共賓林泉致獨迴魚鳥
意相親已具人間景全收天下春金風猶佈
爽明日異茲辰

秒秋華陽殿下招飲有述書贈

澧水主人招我遊盈眸葱蒨未全收不知何
處吹香滿而我來時猶是秋

高情恨未遂遐遊我謂都房足眺眸繞水環
山穿翠幄此君軒後更清幽

歷指黃華未得名暮雲含雨若爲情欲將秋
色遂題破爭嫺風前寫不成
指點還登萬卷樓百城南面豈堪酌賞心信
手聊開帙便是曾經月眼搜

大梁趙行志

庚申三九日坐華陽賢殿下席中以詩賜
教卽韻奉和

瓊瑤帶青旻晴光映主賓當筵人自賞轉檻
菊堪親尊壘千歲酒絃管萬家春誰復惜沉
醉頻來奉令辰

再續前韻奉荅華陽賢殿下三九齋中留
飲之句

良會眺秋旻王亭集主賓瓊齋經雨翠蒯緌
倚天親菊浥朱門露盃傾玉殿春偶恩深帝
子日夕企芳辰

葉煥新

十月朔七日酌陳衡陽先生菊下賦此先
生精玄學善草書故中及之

小陽天氣煖如春籬菊含芳待至人知是采英

食不老且將侑酒酌相親羲之筆底傳三妙自
得胸中養一真媿我未能窺大道暫從花逕問
迷津

小詩奉和華陽國主招飲見贈之作時同
屠戚里荆陽之客

佳什高如郢上春慚予亦是和歌人籬邊滿
眼皆詩思席上同心總道情樂善已知能好
士遊梁自喜得還真綿綿玉牒期繩武歲歲
漁郎欲問津

武陵陳紳

士仲冬一日晤東陵曾允羽湘邑李印涓卽
席賦此允羽爲吾梓里而印涓則傾蓋也
雨霽山齋爽相逢二妙過溫然依玉樹渺矣對
湘波話劇扮榆勝情投蘭芷多別嫌更漏促纒
綵總如何

秋日過澧飲華陽邸中賦醉永日迎冬再
過不及造謝小詩代面

如繡蘭江繞殿齊層軒秋淨憶園西菁葱玉
樹開芸閣晻靄金風送蕙畦賦就大言雲夢
小和成高曲栢梁低驅馳塵土真何事擬叩
朱門路已迷

夏啟昌

華陽殿下邀登燈樓

華陽帝子厥璫官招我登臨載酒筒乍看猶
疑銀樹合方行忽到水晶中削出軟玉翼如
薄副以冰紈墉比崇複壁外週隱紫霓斗室
中虛繞晴虹簷灼金蓮列宿耀爐藝甲煎萬

音譜
卷之三
三
霧通笙歌齊發聊對酌心目洞豁坐玲瓏轉
從複壁層層上頻傾鑿落吸天風竚立樓頭
望新月新月不見隔雲霧天上人間一幕迥
何不吹徹歛相逢皎皎雪光盈院宇蒼蒼松
色拂簾櫳雪光松色銜寶炬彷彿明月下長
空嬋娟寂寂喚不醒將欲憑虛探玄穹却意
曾作廣寒遊光輝只與此樓同

大梁趙行志

雨中奉呈小律用博捧腹

一雨縱橫撼遠空美人獨嘯兔園東青藜色
閃天門電玄草香翻蘭渚風瞥有霾雷生檻
外似將鷄犬入雲中殷勤穆醴傳監使還乞
金莖玉露紅

關西但調元

但西海明府過澧值風雨未遂良晤承佳
章見示次韻

霏霏雲氣藹璇空鳧舄搏飛喜自東掃徑擬將
花送酒懷人可奈雨隨風新詩興發停雲處逸

思工從製錦中何日一尊還抵掌小園徒倚藥
欄紅

長夏喜但明府見過

正苦流金暑蓮塘兀坐時書傳思玉尺帶縮喜
冰姿添得薰風爽應占列宿移匆匆愧投轄猶
有盍簪期

書飲瀟湘冰冊贈但西海

孱陵美爲政凜凜是冰心一勺任棠水千秋宓
子琴訟堂惟月入澤國獨春深蘭繡澄如練相

看似對吟

春杪劉警園大叅見過函園賦柬

相過先勞看藥欄爲憐春事共盤桓移尊是處
香猶在着屐行時綠已團池上縈紆天閣雨林
邊鼓吹鳥爭歡亦知公幹饒詞賦投蚓慙余學
釣竿

暮春敬一賢王招飲次韻

飄零花事淹雕欄下榻陳蕃意尚桓懶性臨
山無蠟屐冥心入洞想蒲團勻圓珠露荷方

小酬唱瓊舟鳥亦歡佳景無邊携不去此裏
何日非投竿

劉澤深

送趙鵬南之留都司空署

根本留都重絲綸水部允國楨尊帝室省直得
仙郎曠覽平成勝訂謨翊贊長梅花應有賦蚤
寄芷蘭鄉

五月六日趙鵬南見在小園卽席賦別

雨足池亭景物新况留佳節款佳賓蒲根切玉

香猶在蓮葉爲杯興更真千古遺風成感慨一
時別意且逡巡羨君到處皆名勝愧我徒繫夢
裡神

壽熊紫珍太守四首聊侑兕觥之祝

侍從曾含鷄舌香白雲詞賦擬長楊一麾恰領
荊州勝五馬先驅冀北良吞吐夢湘饒郢雪表
章江漢重金湯識韓我劇千秋幸誕岳慙無吉
甫章

沱水新添江水深水邊樓閣快登臨曉霞亂擁

音言
卷之三
三十五
峒嶺色綠樹初團蔽芾陰揔賴治平光禹甸適
當解阜奏虞琴青春綠髻神仙侶太室真圖行
自今

天祚熊疆最上游良翰况復得名流兩岐方喜
村歌麥一鶴隨聽海報籌照眼榴花丹可掬開
尊菖歎玉仍浮竭來何限飛騰興航葦躋堂可
漫由

桐葉初封出牧年一時繁劇藉才賢徹田克對
召公命啟宇旋賡魯頌篇帶礪若符岡阜祝經

營且試爨調元國家盛事公具美保艾申歌滿
壽筵

小作上華陽殿下

征馬依依薄錦城地連金屋便疎親自慚曳
裾重爲客浪學吹竽願作卿目極流波森御
氣耳盈松壑寄秋聲夜郎游子原無韻喜接
天潢訂主盟

黔舉人楊文驄

季夏廿六日楊山子過訪小園約明日且

同年友楊君山朱起元與偕乃君山如約
而起元竟畏暑不果賦此兼懷起元

昨朝劍合權莫逆曾許重來共雙壁喜從筵底
披清風正是草玄一標格坐竹相親回午涼嗅
蘭何事浮大白供給深慙地主疎離情翻向天
涯劇人生邂逅應有緣遇則千里違咫尺更憑
寄與朱仲卿良晤何時稱三益

秋日承華陽殿下留飲園亭謾賦

名園清俗骨志不羨封侯坐彼萬竿玉爽我
一天秋蘭芬香若度歌行雲不流恨非畢吏
部酣飲月當頭

天涯遊蕩子頻得近王侯別去原非夏重來
又是秋玄亭秘黃卷紅粉映清流欲寫高情
似江流無盡頭

門下楊文驄

敬賦排律一章上華陽殿下

選勝遊梁苑初秋爽氣澄仁賢逢令主接引
得良朋鶴立驚延祖龍登對李膺諮諏勤吐

音譜
卷之三
握談咲却炎蒸萬卷寧爲蠹群詞入上乘虛
裏誠鏡蒸清度儼壺冰月旦誰相假風期自
可憑識荆初聽履說項喜趨繩麟趾徵天挺
龍姿信代興陳人忻際盛此日快躋登

黔南舉人楊大賓

辛酉秋初日先擬謁華陽殿下並借觀名
勝次日爲暑氣所妬采薪不能着冠履遂
不果反承佳韻寄懷賦此致謝

折節英誼播遠芳龍登擬得其趨踰莫禁襍

穢方明約更枉璫瑤愧報章古賦筵頭稱草
聖新圖劄氏羨文王臥遊正快生平志曳裾
重期覲耿光

門下舉人朱轂

朱起元未面晤臨行更寄佳什使者倚馬
聊口占畬意

幾思倒屣接清容旋掃翛然一徑筇相失寧堪
交一臂同遊原自是三龍如蘭氣味何時合采
葛情懷此際濃相去泥金應得意天涯可是不

忘儂

交一季夏楊山子孝廉見過時將謁候尊人于

杭州行署且就試南宮賦此言別

祛暑逃禪臥終日廢食搔首嗒若失忽我所懷
過我居披衣倒屣譚促膝竹下樽前暑自清况
是人與玉同瑩琅玕交映日過午四座習習清
風生我與乃翁別南北今喜憑君得消息水部
飛旌向古杭臨安一隅其蘓極此行彩服對錦
袍西湖濃淡供揮毫燕臺之赴秣林道神都名

勝皆週遭江山得助文章進鴈塔題名天路峻
傳臚須記芷蘭盟殷勤好寄泥金信

華陽殿下見惠佳刻俚言奉謝

扁舟初問武陵津忽漫驪珠照座新不負剪
桐居郢上果然刻羽調陽春依稀仙跡尋桃
洞伯仲才名賦洛神惆悵蒹葭新色裏何緣
杯酒一相親

初秋偶成書似華陽殿下

空堂暑漸收大火復西流螢照枯荷夕蟬鳴

高樹秋東方原隱吏西域漫封侯欲控浮丘
鶴相期到十洲

東婺王嘉亮

辛酉七月既望王中宇郡伯惠詩見存勉

和

愧是樊籠莫問津桃花一任歲華新謾勞仙吏
時通訊絕勝漁郎偶得春古洞奇葩供贈物朗
江秋水想凝神清風先自同君話未得班荆已
覺親

新秋徐韶階恤部過訪已愜生平且余叨
以雌甲相附尤爲奇邁賦此志喜

千秋柱石舊聲華銜命南來帝澤奢看竹喜供
高士榻烹葵聊學野人家林颺爽度涼生蚤池
舸清遊興轉加况是同庚又同調可知兄弟寄
天涯

俚言奉華陽敬翁殿下

逢人曾問澧中蘭何意王孫此識韓秉禮邦
垣還下士知名風雅久登壇芝顏實愜披雲

願萍跡虛承醉月驪最是歌遊飛蓋處陽春
滿苑和歌難

于役道出澧陽侍酌函三園賦謝

仙閣蘭津帝子居鴻名清望幾人如仁流南
國春還徧善擬東平樂有餘愛客高風頻設
醴登樓暇日只披書慙余未有鄒枚賦香艸
懷人夢不虛

奉書華陽殿下千秋初度七言古風

昔聞三楚稱靈秀才藪香名流宇宙至今慕

古讀騷詞人人想見蘭芳臭蘭芳之地更何
如車渚仙樓跡未虛中有王孫麟趾瑞令人
常憶美人居美人派出皇王裔西蜀分來開
邸第澧江赤社封華陽禮樂詩書光世世今
王樂善古賢君美秀風流雅好文不獨丹誠
知 聖主還推白雪擅詞英名園迥與人間
別花木泉山品奇絕曳裾門下客如雲飛蒸
苑中歌和雪有時搜討縱千秋子夜藜光照
滿樓唐詩晉草漢文字牙籤寶軸堆墳丘賢

聲藉甚華陽國風雅尋盟嗜詞墨忠心爲質
固宗磐天性文章根道德予承一簡命下瀟
湘一朝傾蓋逢賢王握手相期執牛耳虛懷
不覺飽鼯腸秋清好訊長生殿洽喜千秋開
壽宴氣澄天朗風日嘉此際君王多錫羨敬
抒下里媿荒詞聊佐當筵醺酒卮黃花白鶴
正堪賞願效年年此祝釐

義興徐儀世

徐韶階將南按武陵賦此奉送兼懷楊修

齡侍御

四牡駢駢未可留陽春俄轉鼎湖秋行于蒲滿
微勞勩看到桃源自勝遊封事白雲隨處護奚
囊清景一吟收若携忠賦玄亭上應得平胡第
一籌

辛酉九秋賦壽華陽殿下

繡水流虹帶電光秋高氣爽玉林香昨宵南
斗剛生世此日清源共舉觴菊滿函三呈露
掌歌傳天半奏霓裳封人遠獻如川頌麟趾

振振戲錦堂

十洲主世也

熊秉鑑

歐木

高

易

嘉

以

初

本



